



**ÒDONANS DIJANS NIMEWO 13
KONTE PALM BEACH COVID-19
FÈMTI TANPORÈ PLAJ**

KONSIDERAN, COVID-19 la, yon maladi respiratwa yon viris lakòz ki gaye rapidman sòti nan yon moun ale nan yon lòt epi ki ka lakòz maladi grav oswa lanmò, reprezante yon menas klè ak aktyèl pou lavi, sante, byennèt ak sekirite moun nan Konte Palm Beach yo; epi

KONSIDERAN, nan dat 9 mas 2020, Gouvènè Ron DeSantis, te pibliye yon Dekrè Egzekitif 20-52 ki deklare yon eta dijans pou Eta Florid akòz COVID-19 la; epi

KONSIDERAN, nan dat 13 mas 2020, dapre Seksyon 252.38(3)(a)(5), Lwa Florid yo, Konte Palm Beach te deklare yon Eta Dijans lokal akòz pandemi kowonaviris la ki te pwolonje depi lè a nan respè ak lwa ki aplikab yo; epi

KONSIDERAN, nan dat 24 mas 2020 Gouvènè Ron DeSantis, te pibliye Dekrè Egzekitif 20-83 ki mande Chirijyen Jeneral Eta a ak Ofisye Sante Eta a pou pibliye yon avi sante piblik pou moun ki aje yo ak moun ki gen kondisyon medikal grav kache ki mete yo nan pi gwo risk pou gen maladi grav nan COVID-19 la pou rete lakay yo. Kondisyon sa yo gen ladan, men pa limite ak, maladi kwonik nan poumon oswa opresyon modere rive nan grav; kondisyon kadyak grav; sitiasyon iminodeprime, ki gen ladan sila yo ki nan tretman kansè; ak obezite grav; epi

KONSIDERAN, Gouvènè Ron DeSantis te pibliye yon seri Dekrè Egzekitif an repons ak pandemi COVID-19 la, ki gen ladan Dekrè Egzekitif 20-112, yon Faz 1: Plan Entèlijan, San Danje, Etap pa Etap pou Retablisman Florid la, kote Gouvènè a te re-ouvri kèk biznis, epi Dekrè Egzekitif 20-120 ki, pami lòt bagay, te sèvi pou ajoute Konte Palm Beach nan kad Faz 1 an, ak Dekrè Egzekitif 20-123 kote Gouvènè a te pwolonje ak mennen tout konte Florid yo nan Faz 1 Konplè a; epi

KONSIDERAN, dènye ogmantasyon nan ka pozitif pou COVID-19 ki te rapòte nan Konte nou an ak Eta Florid, direktiv kontinyèl Depatman Sante Florid ak CDC konsènan distans sosyal ak fèmte tanporè plaj yo ki gen pou fèt la nan Konte vwazen Miami-Dade ak Broward, Administratè Konte a twouve li nesèsè pou fèmen tout plaj piblik, minisipal ak prive yo ak pak plaj yo nan Konte Palm Beach pou wikenn ferye kat jiyè a.

KOUNYE A, PA KONSEKAN, NOU ÒDONE ISIT LA dapre Chapit 9, Atik II, Seksyon 9-35 Kòd Konte Palm Beach lan, ansanm ak otorite yo ban mwen nan Deklarasyon Dijans Gouvènè DeSantis te pibliye nan Dekrè Egzekitif 20-52 pa Chapit 252 Lwa Florid yo, Konsèy Manm Komisyon Komite a ak Plan Jesyon Dijans Global Konte Palm Beach lan, ak jan lalwa mande sa, mwen òdone konsa:

1. **Konsideran yo.** Konsideran ki anvan yo enkòpore isit la kòm referans.
2. **Fèmti Tanporè Plaj yo.**
Tout plaj piblik, minisipal ak prive yo, ki gen ladan pak plaj yo, nan Konte Palm Beach dwe fèmen apati 12:01 a.m. nan vandredi 3 jiyè 2020 jiska 11:59 p.m. nan dimanch 5 jiyè 2020. Restoran ak etablisman vant an detay yo nan pak plaj yo ka rete ouvri anba restriksyon ki enkli nan òdonans dijans aktyèl Eta ak lokal yo ki aplikab pou Konte Palm Beach, gen ladan, men pa limite ak, restriksyon sou okipasyon.
3. **Aplikabilite.** Òdonans sa a aplike nan tout zòn ki entegre ak ki pa entegre nan Konte Palm Beach.
4. **Aplikasyon Lalwa.** Cherif Konte Palm Beach lan, lòt ajans pou fè aplike lalwa yo ki gen ladan ajans minisipal pou fè aplike lalwa ak nenpòt lòt pèsònèl lalwa otorize, ki gen ladan, men pa limite ak, pèsònèl ki dekri nan Seksyon 9-37 Kòd Òdonans Konte Palm Beach lan otorize pou ranfòse Òdonans sa a. Pwosesis konfòmite ak ranfòsman yo dwe gen ladan dispozisyon yon avètisman ekri oswa oral ak opòtinite pou korije anvan pwosè vèbal ki lakòz yo emèt amann. Pèsònèl otorize a ka pibliye pwosè vèbal sivil pou amann yo konsa: moun yo dwe peye amann vennsenk dola (\$25) pou premye vyolasyon an, senkant dola (\$50) pou dezyèm vyolasyon an ak san dola (\$100) pou chak vyolasyon anplis; biznis yo dwe peye amann desan senkant dola (\$250) pou premye vyolasyon an, twasan senkant (\$350) pou dezyèm vyolasyon an ak senk san dola (\$500) pou chak vyolasyon anplis. Chak ensidan yon vyolasyon kontinyèl dwe konsidere kòm yon vyolasyon anplis apa. Anyen isit la pa gen entansyon epi pa dwe limite okenn mekanis ranfòsman anplis ke lalwa otorize.
5. **Konfli.** Nenpòt dispozisyon nan Òdonans sa a ki gen konfli avèk nenpòt dispozisyon lwa eta oswa federal oswa dispozisyon konstitisyonèl oswa konfli avèk oswa ki gen yon Dekrè Egzekitif Gouvènè oswa Prezidan Etazini ki aktyèl oswa ki pibliye apre ki ranplase yo, ap konsidere kòm pa aplikab epi konsidere kòm separe de Òdonans sa a avèk rès Òdonans lan ki rete entak ak anvigè. Nan mezi aplikasyon kèk oswa tout dispozisyon Òdonans sa a entèdi sou teritwa souvren yon tribi souvren oswa Endyen ke gouvènman federal la oswa eta a rekonèt, aplikasyon sa a ap eskli klèman nan Òdonans sa a. Dispozisyon Òdonans sa a dwe ranplase dispozisyon espesifik nenpòt Òdonans Dijans Konte a te pibliye ki kontrè oswa ki gen konfli avèk Òdonans sa a.

6. **Dat li anvigè.** Òdonans sa ap antre anvigè lè li fin siyen epi aplike estrikteman pou dat fèmti ki isit la. Òdonans sa a ap ekspire nan 11:59 a.m. nan dat 5 jiyè 2020.

KONTE PALM BEACH

Pa: [Siyati]
Administratè Konte

29 jen 2020
Dat

**ATESTE
GREFYE AK KONTWOLÈ**

Pa: [Siyati]
Grefye Adjwen

**APWOUVE SELON
SIFIZANS JIRIDIK**

Pa: [Siyati]
Pwokirè Konte